

TENISSA Ptolem. ibid. cuius Episcopus *Aufidius* adfuit eidem Collationi Carthag.

CATABITA Victori Vticensi apud Ortel. cuius Episcopus *Patera* nuncupatur in Notitia Africae.

HERPIS, Ptolem. lib. 4. cap. 2. *Barbarus* Herpignensis qui in Collatione Carthaginensi huius est Episcopus.

VONCARIA Victori Vticensi MS. cuius Episcopus *Donatus* appellatur in Notitia Africae.

GYPSARIA Ptolem. lib. 4. cap. 2. *Germanus* Episcopus Gipsariensis legitur in Collatione Carthaginensi.

TAMADEMPSIS Notitiae Africae, in qua *Romanus* Episcopus Tamadempsis recensetur.

VAGÆ Ptolem. lib. 4. cap. 2. cuius Episcopus *Prinatus* subscripsit Collationi Carthaginensi.

TABADCARA Victori Vticensi MS. *Crispinus* Episcopus Tabadcarensis est in Notitia Africae.

CATRA, vel ut reor Castra, Antonino, cuius Episcopus *Candidianus* nominatur in Notitia Africae.

ELEFANTARIA eidem Notitiae, qua *Vassius* Episcopi mentio est.

GARRA Ptolem. lib. 4. cap. 2. cuius Episcopi memoria apud Victorem Vticensem, ut author est Ortelius: An *Victor* Gartanensis pro Garranensi legatur in Collatione Carthaginensi dubium est.

MVRCONIVM Victori Vticensi MS. Huius Episcopus *Maddanius* dicitur in Notitia Africae.

IDA Notitiae Africae, cuius Episcopus *Subitanus* ibidem legitur.

THVBVNÆ D. August. epistola 70. *Nemesiani* Episcopi à Thubunis meminit D. Cyprianus in Concilio Carthaginensi.

OPPINVM Ptolem. lib. 4. cap. 1. hodie dicitur *Rabath*, cuius Episcopus *Leo* subscripsit Concilio Carthag. 7.

TVSCAMIA Notitiae Africae, cuius Episcopus *Maximus* ibidem dicitur.

GVNAGITA Notitiae Africae, vel Gunaita Victori Vticensi apud Ortelium. *Auxilium* Gunagitanum habet eadem Notitia.

MAXITA Victori Vticensi MS. apud Ortelium, cuius Episcopi *Felcis* meminit Notitia Africae.

SATAFA Notitiae Africae. *Crescens* Episcopus Satafensis ibidem dicitur.

VISSALSA Notitiae Africae, Visala Victori Vticensi apud Ortelium, cuius Episcopus *Saturninus* dicitur in eadem Notitia.

ADSINVADA, cuius Episcopus *Gaius* recensetur in eadem Notitia.

NVMIDIA eidem Notitiae. *Ianuarius* Episcopus Numidiensis adfuit Collationi Carthaginensi.

CASTELLVM Ripense Victori Vticensi apud Ortelium. *Cerealis* huius civitatis Episcopi mentio est in Notitia Africae.

TAMVDA Plin. lib. 5. cap. 2. vel ut putat Ortelius Tanuda *Donatum* Episcopum Tanudatensem habet Collatio Carthaginensis.

CALTADRIA Victori Vticensi apud Ortelium. *Victoris* Episcopi Caltadriensis meminit Notitia Africae.